

Jom masuk IPT

SERAMAI 70 peserta lepasan Sijil Pelajaran Malaysia (SPM) dari golongan B40 teruja apabila dapat merasai pengalaman berharga dengan kehidupan di kampus menerusi Program Persediaan Masuk Universiti UMP-MARA yang berlangsung selama tiga di Dewan Astaka, **Universiti Malaysia Pahang (UMP) Gambang** di sini.

Pengarah MARA negeri, Soffian Mustafa berkata, program itu bertujuan memberi pendedahan kepada peserta bagi menempuh alam universiti sebelum situasi sebenar.

"Kemahiran berkomunikasi penting bagi setiap individu terutama dalam penguasaan kemahiran berbahasa Inggeris. Saya berharap semua peserta dapat mengambil manfaat daripada program ini untuk menempuhi alam universiti dan pekerjaan kelak," katanya ketika merasmikan program itu semalam yang turut dihadiri Timbalan Naib Canselor (Hal Ehwal Pelajar dan



Alumni), Prof. Madya Dr. Mohd. Rusllim Mohamed.

■ DR. MOHD. Rusllim Mohamed (dua dari kiri) dan Soffian Mustafa

(tiga dari kanan) pada Program Persediaan Masuk Universiti

UMP-MARA di UMP Gambang di Kuantan, Pahang.